

中國方志叢書·華中地方·第一四號

據 吳馨等修·姚文枬等纂
民國七年刊本 影印

江蘇省

上海縣續志

(一)

成文出版社有限公司印行



10105976

8919362

中國方志叢書·華中地方·第一四號

據 吳馨等修·姚文枬等纂
民國七年刊本 影印

江蘇省

上海縣續志

(二)

成文出版社有限公司印行



3919363

中國方志叢書·華中地方·第一四號


據 吳馨等修·姚文枬等纂
民國七年刊本 影印

江蘇省

上海縣續志

(三)

成文出版社有限公司印行



8919364



中國方志叢書·華中地方·第一四號

據 吳馨等修·姚文枬等纂
民國七年刊本 影印

江蘇省

上海縣續志

(四)

成文出版社有限公司印行



10105979

19365

中華民國五十九年五月壹一版

上海縣續志

全四冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

上漢縣續
卷三十一
圖說
敘錄
一
齊

戊午夏
刊于上海南園

上海縣續志序

上海縣志初於明洪武而修於清嘉慶至同治辛未重事編輯迄今又四十餘年矣時久事積縣議會諸君慮文獻之散佚議搜採而排比之設局攬賢分門編纂推李君右之董其事而以姚君子讓爲總纂最後復經王先生耜雲點定而集其成合羣策羣力閱三載全書甫竣夫邑之有志猶國之有史所以考沿革明制度辨得失將求其有切於實用而非以虛詞示觀美也文化治術之升降隨代爲轉移雖僻壤小邑不誘於外其政治無數十年不易者上海介四通八達之交海禁大開輪軌輻輳竟成爲中國第一繁盛商埠邇來世變迭起重以滄桑由同治視嘉慶時其見聞異矣由今日視同治時其見聞尤異矣更閱數十年人心風俗之變幻必且倍

甚於今日殆未易執陳編而爲之治乎曰是不然孔子曰殷
因於夏禮所損益可知也周因於殷禮所損益可知也記曰
其不可得變革者則有矣親親也尊尊也長長也男女有別
此其所不可得與民變革者也因時爲制者法也歷世不易
者理也理無法不行法無理不立僻邑之民多樸過樸則不
免於陋是宜進之以文通域之民多智恃智則或鄰於浮是
宜約之以禮上海之開通甲於天下治於文不若治以禮諸
君當革故鼎新之時而網羅舊聞舉佚文遺獻而疏存之以
備後來之考鏡其亦念及變故相仍惟禮始可以維持人心
風俗憬然於自古在昔先民有作之盛乎若徒稱其體例精
嚴敘事簡當猶淺之乎視此書也然觀太史公書上述虞夏
商周多襲六藝之舊文自秦漢之際逮漢百餘年開紀載無

遺成一家之旨今是書因舊志之例踵同治十年之後至民國成立以前賡續修纂遠因而近創是其爲例亦有合於遷史也余旣深佩諸君精心毅力得以樂觀厥成而重夫治理之無間於今昔也書其意以質知言之君子

中華民國七年五月一日知上海縣事紹興沈寶昌序

上海縣續志弁言

上海縣志創於明洪武間顧或成於宏治間郭經終明之世
重修者再清代則康熙乾隆嘉慶三朝重修者四道光咸豐
間東南多故未遑斯事同治初削平大亂邑士大夫蒐討文
獻乃有同治上海縣志今距同治又數十年矣夫上海特濱
海一小縣耳而在明已爲防倭重鎮在清又爲互市巨埠筦
樞南北轉輸江海交通貫於全球聚族及於百國京邑省郡
或且遜之固風會之所趨亦其地勢利便之所致也此近數
十年中中外交涉之繁蹟租界地址之擴充水陸形勢之變
動一切法制之興革風尚之遷流旣月異而歲不同又自民
國初建百端改造而紀載疏闊無以信後君子懼之邑人吳
先生畹九於元年知縣事先其所急卽議續修邑志廣羅羣

彥起例發凡延姚先生子讓為主纂剋期編集時錫範方承

乏太倉從諸父老後亦汲汲於重修邑志與吳君用意正同

會吳君乞退省命錫範相代乃益纘吳君志與諸君子晨夕

搜討復延王先生紹雲總其成逮錫範再調鎮海之次年而

上海志告竣太倉志繼之不可謂非盛事也而先後歷七年

矣上海志之繁難倍蓰太倉目錄之增於舊者逾三分之二

尤以建置學校二門為多釐然各當信而有徵不知者曰為

上海一邑沿革掌故之徵考而已其知者曰以上海一邑之

關係動與全國相消息是志也將以驗政教覘世變而其適

合於時勢之應用則當在明清諸志之上更無論於他邑也

諸君子之心之力亦可謂勤且盡矣抑錫範竊聞東西列國

方志之書至詳極備雖一寺一墓一游觀之所靡不罄述歷

史圖繪精到爲用彌廣爲益彌鉅而吾國一縣之志或有歲
久弗續求而不可得者其弊也在視邑乘爲私家著述名世
之一而不以爲當世切實有用之書斤斤於章節字句之優
劣而事實之疏舛圖說之模糊轉非所計以是藏之者鮮而
傳之者不遠且文學之士旣不易覲歷時愈久用費愈增其
爲之也乃愈難蓋比比然也錫範不敏謂此事當責之地方
自治或學務機關定常費立常程月討論之歲潤色之時以
編入教課書使家喻戶曉不出十年中國方志之書燦然而
大備秩然而常昭以較往昔之艱困勞費意必有異矣以諸
君子之屬爲弁言因書其大略而附貢所見如此願與海內
賢士大夫一商權之也

中華民國七年八月太倉洪錫範伯言甫謹撰

上海縣續志序

續修上海縣志發端於民國元二年議參兩會之議決案斷
自同治十年以後迄宣統三年以完全結束一代之文獻經
籌備採訪編纂修潤校繕削剟種種手續凡六易寒暑而書
成受而讀之分門二十悉踵前志而予目增益凡二十有四
圖繪精稿體例分明亦既應有盡有足補前志所未備瀏覽
既竟適全邑實測地圖同時將付石印乃慨然有感而爲之
敘曰地方事業譬之一身土地人民其軀幹也志乘圖表其
耳目之官也鑑往而知來言近而指遠因勢利導足以輔翼
其軀幹以發育種種之官能於以調和其氣血則水陸之交
通尙焉淬厲其精神則社會之教育急焉然後實業振興若
肌肉之有所附麗慈善救濟若髮膚之不敢毀傷能如是則

軀幹堅強卽置之烈風雷雨之下驚濤駭浪之中而無所懼苟非然者虛有其表而神氣委頓形體羸弱雖耳目備具其能利用之耶上邑居江海之衝開埠以來時勢之變遷日亟卽此四十年中水陸形勝政教風俗以及工商百貨等等屢變不一變續志所載僅及大凡而與前志不同者已若是循此以往再閱若干年其遞嬗之速率復當如何吾滬民進步之程限果足以相赴否鄭志不云乎工不出鄉商不越燕齊荆楚男女耕織內外有事今試問工商業之運輸出境者幾何不耕而食不織而衣者幾何嘉慶志又云士文而近浮農愿而近野民貧而商富中不足而外有餘城市慕蘇揚之餘風而鄉頗僿目前斐然可觀而力實不能長世以持久今試問士農之習果改進否奢靡之風果在蘇揚下否生活程度